



Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica V. post Pentec: Ira stultiæ soror.

[urn:nbn:de:hbz:466:1-51496](#)

DOMINICA V. POST PENTECOSTEN.

Ira stultitiae soror.

Qui dixerit: fatue, &c. Matth: 5.

Nisi mirum est in tanta hominum frequentia tam paucos sapientiae operam dare; sic magis mirum omnes velle videri sapientes. Dicebat aliquando Socrates: si praconis voce in theatro juberentur cuncti fullones & futores stare, iij asurgerent soli, qui artes illas proficerent: si vero sapientes consurgere juberet, omnes omnino illico starent. Ita nullus quamvis stupidus sutor, aut vilis reperitur cerdo, qui se non multum sapere putet, & dicat etiam sibi cerebrum esse, nec in sola Gracia sapientes nasci. Sed cerebrum quidem omnibus est, plurimis tamen non in capite, verum, quod Italicum proverbium sonat (ha il cervello sopra la beretta) supra pileum. Non unus hodie octavus numeratur sapiens; stultorum quippe, teste mortalium Sapientissimo, infinitus est numerus, quamvis nemo in eo numero centeri velit. Compellare quempiam stultum adeo grave scamma est, ut ipsis inferni ignibus judicetur piandum: qui dixerit fratri suo fatue, reus erit gehenna ignis. At si licet scapham appellare scapham, cur non stultum vocare stultum liceat? Ipse certe Christus hoc titulo proprios subinde insignivit discipulos, cum eis minus sapienter de resurrectione sua discurrentibus in faciem dixit: O stulti! Quidquid sit tamen, nemo liber-

ter suos sive animi, sive naturae audit defectus: sic si cœcum appelles cœcum, aut luscum voces luscum, utrumque gravissime exacerbas, & offendis. Prodest nihilominus saepe opportuna defectuum exprobratio, tum nimirum, dum non laedendi, sed corrigendi gratia fit. Ut enim Medicus amicè cum ægro agit, si morbum ei suum indicat; ita non amicus esse non potest, qui alteri vitium exprobrat, ut corrigat. Et hinc illi solum ad gehennam damnantur, qui fratres suos stultos & fatuos ex immoderata ira & animo convitandi appellitant, quos tamen ego veriores stultos in præsenti sermone pronuntiabo, ubi ostendero iram nimiam esse germanam stultitiae sororem.

Duplicem Philosophi in homine appetitum constituunt: alterum concupisibilem, irascibilem alterum. Ille fertur in objectum ut bonum vel malum sensibile absolutè; hic in objectum ut bonum vel malum arduum & difficile, generatque spem, desperationem, timorem, audaciam, & iram. Est autem ira appetitus irascentis ad præsens malum vindicandum perturbatio. Iuxta Ciceronem libido puniendo ejus, qui injuriâ læsisse videtur. Cic. Tus. Passio, si quæ alia, regi nescia, faciliter meq; rationem prævertens; hinc meritò Seneca: nulla celerior ad insaniam Sen. de ira via. Hinc Ennius: ira est initium insaniae. c. 36.

Dd

nia

nie : Hinc Poëta : *ira brevis furor est.* Hinc Flavius Crispus pro symbolo : *ho-*
mo non homo iratus. Hinc M. Grego-
Moral. c. riūs : *per iram sapientia perditur.* Et
30. Magnus Dalmata : *ira est signum insi-*
Hieron. *pientie, quia quamvis aliquis existimetur*
sapiens, si iracundus sit, insipiens argui-
Eccl. 7. *tur.* Quibus omnibus apprimè con-
sentit divinus Sapiens, cum ait: ira in
stulti requiescit. Campensis vertit:
Solent ferè esse stulti qui proni sunt ad irā. Apud stultos enim tam facilis est ira,
ut eam non secus ac aliquis chartam è
sinu extrahant, dum minimā re offenduntur, vociferantur, tumultuantur,
litigant, furunt. Et verò si, quod Dion
Dion orat. *verissime dixit: stultus est qui non est*
animi sui dominus, quis irato stultior,
20. qui sibi ipsi iraque suae nescit domina-
ri, qui, ut loqui solemus, totus quantus
est extra se, & apud se non est, (a) qui, ut ait Chrysostomus, in illo furore suo non secus ac mente captus quid
Chrys. hō. faciat non advertit. Videas iratos (verba ejus sunt) velut insanos turpiter in medium præcipites ferri. Cum enim circa præcordia efferbuit ira, ignem exiit, tota inflatur facies, ardent oculi, incompositè manus moventur, ridiculè profiliunt pedes, monitoribus & rixam dirimere co-nantibus insultant, in eosque nulla ab insanientibus differentia irruunt; & cum hec faciunt, tanquam amentes nihil sentiunt, nihil intelligent; sed asinorum more, calcibus morsibusque invicem insultant. Ecce non tantum stultis, sed insuper Asinis iratos confert orator aureus. Stulti enim multum asinos referunt in eo, quod æquè stolidi & stupidi, haudquam mitius ac illi tractentur, quod ad

plagas & fustes damnati, in quos illud Plauti meritò recitavero: *Neque ego Plant. is homines magis asinos unquam vidi, ita Pseudolo.* plagi costæ callent, quos dum ferias tibi plus noceas; eo enim ingenio hi sunt flagritib. Quidam furiosus, ut refert antiquarius scriptor Cœlius, percutere volebat agasonem. Cum hic exclamasset: Atheniensis sum, alter effervescente amplius irâ fustibus asellum ador-tus, cum bile & minis vociferabatur; at tu Atheniensis non es. Athenas certe (quod sapientie seminarium est) ipse vix viderit, ac proinde non minor asinus, qui stolidum pecus tam stolidè & stultè ceciderit. Nec absimilis huic a Sophocle. Ajax Telamonis filius, qui, propter arma Achillis mortui Vlyssi in præmium virtutis data, in furorem versus armen-ta loro cædebat, existimans se interficeret Græcos; ac tandem proprio gla-dio incubuit. (a) Alius mulæ calcitranti præ ira recalcitrabat. (b) Evry-lochus quidam arrepto cum carnibus veru ad forum usque cucurrit, coquum suum persecens. (c) Quæ majot in-sania?

Eleganter per proverbium Hebrei בְּכִים בְּכָס בְּפַעַם baccis, bacos, bac-caas, in crumenæ, in calice, in ira indoles & ingenium hominis ostenditur. In crumenæ quippe cognoscitur ejus avaritia vel liberalitas; in calice sobrietas, vel ebrietas manifestatur: in ira, prudentia vel stultitia; prudentia quidem in dissimulanda offensa, stulti-tia in subita excandescencia. Nam quod bene observavit Salomon: fatuus Prov. II. statim indicat iram suam, qui autem dis- 15. simili-

Cœl. l. 2.
antiq. l. 2.
c. 20.

b Plutar.
in commi.
c Victor.
l. 2. var.
lect. c. 22.

fumulat injuriam, callidus, id est prudens est. Sic Saul à prudentia ex eo maximè commendatur, quod in sui inaugura-

1. Reg. 10. 27

tione dissimularet se audire scommata filiorum Belial, dicentium: num salva-

re nos poterit iste?

Eccli. 27.

12.

Habet hanc præ alijs sibi maximè propriam qualitatem stultus, quod nunquam sibi ipsi constet, nunquam unus, sed semper alius & alius, atque à se ipso, ut versicolor vestitus ejus denotat, quodammodo diversus sit, juxta illud: *stultus ut luna mutatur, quæ modò pallida, modò rubicunda appetet, nunc plena & rotunda, nunc corniculata, nunc falcata, & quasi abscissa.*

Planè sic iratus, de quo Ambrosius: *quomodo potest unus esse, qui nunc iracundia inflammat, nunc indignatione gravi exercitat, nunc vultu excandescit, nunc pallore immutatur per momenta varius & discolor?* Similiter Lactantius: *cum, inquit, in animum ira incidit, velut seva tempestas tantos excitat fluctus, ut statim mentis immutet, alternis vultum maculet nunc suffusus rubor, nunc pallor atbescens.* Elcana mitissimus ex eo maxime in scripturis laudatur, quod fuerit unus: *fuit vir unus de Ramathaim sophim.*

Amb. I. 3.

ep. 25. ad

Vercellens,

Eccles.

Lactant. I.

de ira Dei

c. 5.

1. Reg. I.

Cur non quidam, quod conformius Latinismo & bona Syntaxi dicendum videbatur? Origenes hic pro sua ingenij subtilitate mysterium evolvit, & ait: Vide si hoc non pertinet ad laudem Iusti, quod dicatur de eo: erat vir unus. Nos, qui peccatores sumus, non possumus hunc titulum laudis acquirere, quia unusquisque nostrum non est unus, sed est multi. Intuere vultum alicuius irati, nunquid ille unus, &c.?

Porrò inter eos qui facilimè irascuntur Ludovicus Vives aquæ potiores numerat, idque ob tenues spiritus incendio iræ apertissimos. Et quibus tam proprium aquam bibere ac stultis, vina enim illis propinare, est illorum insaniam magis accendere. Bibunt & irati aquam, cuius meminit Iobus: *bibunt quasi aquam iniquitatem, quam sibi alios fodiendo effodiunt.* Scriptum enim est, ait Ambrosius: *vir iracundus Prov. 15. effudit peccatum, pro quo Hebræus legit* *¶ gera, quod est gutture attrahit, veluti potum.* Et D. Iacobus: *ira viri Jacob. 1. 20. justitiam Dei non operatur, hoc est, ut S.* Clemens explicat: *ubi est ira, ibi non est Clem. I. 2. Dominus, sed amica Satana.* Vel ut qui- *confit. c. 37* dam alius: *ira non operatur id quod justum, aequum, rationi consonum, & sanctum est.* Per iram enim, verba *Amb. de S.* sunt citati Ambrosij, *justitia relinquuntur, quia dum perturbata mens judicium sine ratione exasperat, omne quod furor suggestus rectum putat.* Per iram lux veritatis amittitur, quia cum menti iracundia confusionis tenebras incutit, huic Deus radium sua cognitionis abscondit. Per iram Spiritus sancti splendor excutitur, qui super humilem & quietum requiescerre dicitur. Per iram concordia rumpitur. Per iram gratia vita socialis amittitur; quia quis ex humana ratione non temperat, necesse est, ut bestialiter solus vivat. Quod & ipsum stultitiae non minimum est argumentum; quæ enim cum stultis societas? quæ conversatio? qui plerumque ut rixosi & furiosi ab alijs segregantur, adeo ut dixerit Salomon: *expedit magis ursa occurrere raptis factis.* *Pror. 17. 12.*

bus, quām fatuo in stultitia sua, quasi diceret, satius est incurrere in ursum, quām in stultum. Ursus enim quandoque, ut ex historijs habemus, objectu virginis & infantis mansvescit, quod stulti & irati non faciunt, qualis insatius, omnib[us]que Orci Furijs pejor Herodes, in quem est ille Ecclesiæ versus: Herodes iratus occidit multos pueros in Bethlehem Iudeæ civitate David.

Liv. dec. 1.

Qualis ferocissima Tullia, quæ ne objecto quidem proprij Patris corpore mitior facta, carpentum super illud agere non exhorruit. Qualis Horatius, qui obviam in porta sororem plusquam ursinā rabie jugulavit. Apud Romanos ferocibus tauris fœnum è cornu suspendebatur in signum ferociæ, & aliorum cautelam, hinc illud:

Fœnum in cornu gerit.

*Et: - - cornu ferit ille, caveto.
Similiter stultis hodie appenduntur nolæ, & flagella, ut qui illis occurront, tempestivè declinent, nî velint batui.*

Vtinam idem mos in biliosis servaretur, utinam ijs fœnum & nolæ de pileo suspenderentur, securiores multò incederemus, nec tot credo hodie sanguinarias cædes spectaremus, & audiремus. Quām sāpe auditum est hunc illūmve in platea, in angiportu, in bivio cæsum, quōd in furiosum aliquem forte fortunā impegerit, sesēque ad eum vel levissimè attriverit. Non patitur attractum furor, quia igneus, nec atteri sustinet, quin instar silicis scintillas de se spargat: qui procul ab irato, procul a fulmine. Hinc recte sapuit Sidonius quidam dicaculus apud Sabellicum, dum causam rogatus: cur à

*Sabel. l. 9.
c. 11.*

M. Crasso incessando pertinaciter astineret, qui alias nulli togatorum parceret, respondit: quia Crassus fert fœnum in cornu.

Quid quōd nec ullam amicitiam cum iracundis contrahendam moneat Sapiens: *noli esse amicus homini iracundo.* Cur ita? quia (ut loquitur Autor libri de amicitia apud Augustinum.) Tom. 4. 1. non diu leges amicitia vel jura servabit: perum Annon enim ad amicitiam sunt idonei nimis gusti, dea-iracundi, instabiles, suspiciosi, verbosi; que mic. c. 12. quatuor in electione amici notanda sunt. Difficile est eum, quem sape iracundia furor exagitat, non aliquando assurgere in amicum. Quis amicior Alexandro quām Clitus? & tamen ut levi de causa ab eodem lanceâ trajectus est! Factum sic ferè describit Curtius: "In,, Curt. l. convivio, cùm Alexander immodicus,, 8. c. 3. æstimator sui, celebrare quæ geslerat, „ cœpisset, gravis etiam eorum auribus, „ qui sentiebant vera memorari: Clitus „ verò Philippi acta, bellaque in Græcia „ gesta paulò intemperantiū præsenti- „ bus priora præferens, cominemorasset; „ Rex velut patienter audiret, quibus „ Clitus obterebat laudes ejus, ingentem „ iram conceperat. Ceterū cùm animo videretur imperaturus, si finem „ procaciter orto sermoni Clitus impo- „ neret, nihil eo remittente, magis exa- „ sperabatur. Itaque rapta ex manibus „ armigeri lancea, Clitum percutere co- „ natus, à Ptolomæo & Perdicca inhibe- „ tur, qui medium complexi, & obductari „ perseverantem morabantur. Ille mili- „ tum fidem implorans, comprehendit se „ à proximis amicorum, quod Dario nu- „ per accidisset, exclamat; signumque „ tubâ

„ tubâ dari, ut ad Regiam armati coi-
„ rent, jubet. Tum verò Prolo mæus &
„ Perdiccas genibus advoluti orant, ne
„ in tam præcipiti ira perseveret, spati-
„ úmque potius animo det, omnia po-
„ stero die justiùs executurum. Sed clau-
„ se erant aures obfrepente ira. Itaque
„ impotens animi procurrerit in Regiæ ve-
„ stibulum, & vigili excubanti hastâ ab-
„ latâ constitit in aditu, quo necesse erat
„ ijs, qui simul cænaverant, egredi. Ab-
„ ierant ceteri: Clitus ultimus sine lu-
„ mine exibat. Quem Rex, quisnam es-
„ set, interrogat. Eminebat etiam in-
„ voce sceleris, quod parabat atrocitas.
„ Et ille non jam suæ, sed Regis iræ im-
„ memor, Clitum se esse, & de convivio
„ exire respondit. Hæc dicentis latus ha-
„ stâ transfixit, morientisque sanguine
„ aspersus: I nunc, inquit, ad Philip-
„ pum, & Parmenionem, & Attalum.
Facti tamen ubi ad se redijsset mox e-
um pœnituit, adeò ut præ nimio dolo-
re illam eandem hastam è corpore ja-
centis in se retorserit, infixissètque pe-
ctori, nî vigiles qui accurrerant, obsti-
tissent. Nimirum plerumque furori
comes it pœnitentia, nam

*Horat. l. 1. — qui non moderabitur ira
epist. ep. 7. Infectum voleat esse, dolor quod svasè-
rit & mens,
Dum pœnas odio per vim festinat
inulto.*

Tum primum post cædem factam mul-
ti suam agnoscunt stultitiam, tum co-
mas cum Alexandro vellificant, ora la-
niant ungvibus, caput solo allidunt,
ingeminantes illud: ô quam stulte egis!
Quippe, ut bene dixit Plutarchus, que-

cunque irâ commoti faciunt homines, ea
necessum est cæca sint & imprudentia, &
omnino errata. Non enim fieri potest, ut
concitus irâ ratione utatur.

Dum Joseph Patriarcha Fratres suos Gen. 45.25.

ex Ægypto pro adducendo Patre di-
mitteret, hoc unum eis solicite com-
mendavit: ne irascamini in via. Quod
observans D. Ambrosius: quam bene,
inquit, docet ab iracundia præcaven-
dum! quod ea posset etiam amantes sui se-
parare germanos. Amb. l. de

Joseph. c. 13.

Bernardin.
Scardone?

Et separavit enim
verò luctuosissimè geminos fratres Li-
minæos familiæ nobilissimæ ac vetu-
stissimæ, qui per æstatem ruri cùm no-
stu à cæna sub Iove patulo forte obam-
bularent, déque diversis rebus diversa
inter se loquentes cœlum subinde in-
numeris piñculum stellis suspicerent, al-
ter eorum per jocum dixit, precari se
tot sibi boves esse, quot stellas fulgere
conspiceret; ad quæ alter mox item
per jocum: utinam mihi pratum esset
instar cœli latum; & simul ad fratrem
conversus: ubi tu tuos pasceres boves?
In tuo illo prato, respondet iste. Quid
si ego nollem? reponit ille: te etiam
invito pascere. Tûne me invito? in-
quit; & ita altercando risu in iram, ira
in rixam & serium furorem conversa-
dum neuter alteri vult cedere, exertis
utrinque gladijs, quibus malâ fortunâ
ambo erant accincti, se invicem crude-
liter confoderunt. Nónne isti maximi
fuere stulti, qui de ente rationis ita
contendebant? O quod demum ves-
niæ non perducit stultissima cholera!
Sed ecce quæ à me dicta sunt hæste-
nus, in contrariam planè partem re-
torquere videtur Philosophorum Prin-
ceps,

Arist. I. 5. ceps, sic alicubi docens: ira vacuitas
Ethic. minimè laudabilis: nam qui non irascun-
 tur pro quibus oportet, & ut oportet, &
 cùm oportet, & quibus oportet, fatui
Cic. I. 4. sunt, nam neque sentire, neque dolere vi-
Tusc. dentur. Ira, inquit Tullius, data est ho-
 mini quasi eos fortitudinis; vel, ut Ma-
Greg. I. 5. ignus Gregorius: quasi virtutis instru-
 moral. c. 31. mentum & ancilla; vel, ut Nemesius:
Nemes. I. quasi satellitum rationis ad executionem
de nat. ho- vindicta malorum. Est naturæ apprimè
min. c. 21. utilis ad facta ardua: est in homine
 quod miles in Republica. Sine illa-
 enim quis se heroëm probabit? quis
 generosus, quis audax, quis magnani-
 mus audiet? quis facinus memoriâ di-
 gnum attentabit? quis bello & prælijs
 aptus erit? Columbae quia felle ca-
 rent, ideo imbelles, solaque accipitris
 conspecta umbrâ fugiunt. Leones
 contrâ quia plus ceteris animalibus
 biliosi, propterea fortissimi, & ma-
 gnanimi. Hæc tamen & similia obje-
D. Thom. cta nihil omnino meæ adversantur,
P. 3. q. 15. sententiæ. Ira enim (Angelici Docto-
a. 9. ad 1. ris verba sunt) dupliciter se habet in ho-
 mine; quandoque enim prævenit ratio-
 nem & trahit eam secum ad operaudum;
 quandoque vero sequitur rationem, & est
 quasi instrumentum ipsius: prior nun-
 quam non mala est; posterior sape
 necessaria, tum nimirum, dum non
 tam nostra, quam Dei gloria lœdi-
 tur. Et ad hanc nos incitat David: *Psal. 4. 6.*
irascimini & nolite peccare, hoc est, ut
 idem S. Doctor exponit: *irascimini*
contra vitia aliorum, & tamen nolite
peccare, eos inordinate corrigendo, quia
debet ira dirigi per rationem. Vel ut S.
 Augustinus: *irascimini vobis ipsis de pra-*
teritis peccatis, id est agite pœnitentiam,
& ulterius peccare definite. Quasi di-
 cerer: flagra & funes contra vos ipsos
 expedite, asinum vestrum, pigrum vi-
 delicet ac deses corpus (sic enim illud
 appellabat S. Franciscus) verberibus
 afficite, stimulis urgete, ac pungite,
 cruentate, inediâ macerate, one-
 rate laboribus; verbo, sic
irascimini, & sa-
pietis,



DOMI-